

第二九八冊

明倫彙編

官常典

將帥部

(卷)
五六一五〇

古今圖書集成

中華書局影印

第二卷
目錄
卷一
卷二
卷三
卷四
卷五
卷六
卷七
卷八
卷九
卷十
卷十一
卷十二
卷十三
卷十四
卷十五
卷十六
卷十七
卷十八
卷十九
卷二十
卷二十一
卷二十二
卷二十三
卷二十四
卷二十五
卷二十六
卷二十七
卷二十八
卷二十九
卷三十
卷三十一
卷三十二
卷三十三
卷三十四
卷三十五
卷三十六
卷三十七
卷三十八
卷三十九
卷四十
卷四十一
卷四十二
卷四十三
卷四十四
卷四十五
卷四十六
卷四十七
卷四十八
卷四十九
卷五十
卷五十一
卷五十二
卷五十三
卷五十四
卷五十五
卷五十六
卷五十七
卷五十八
卷五十九
卷六十
卷六十一
卷六十二
卷六十三
卷六十四
卷六十五
卷六十六
卷六十七
卷六十八
卷六十九
卷七十
卷七十一
卷七十二
卷七十三
卷七十四
卷七十五
卷七十六
卷七十七
卷七十八
卷七十九
卷八十
卷八十一
卷八十二
卷八十三
卷八十四
卷八十五
卷八十六
卷八十七
卷八十八
卷八十九
卷九十
卷九十一
卷九十二
卷九十三
卷九十四
卷九十五
卷九十六
卷九十七
卷九十八
卷九十九
卷一百

古今圖書集成

中華書局影印

欽定古今圖書集成明倫彙編官常典

第五百二十八卷目錄

將帥部名臣列傳八十六

元八

董文炳

郭昂

完顏石柱

齊秉節

王綽

兀愛

鐵哥木

賈文備

拜延

隋世昌

沙全

步魯合答

董士元

張萬家奴

帖木兒不花

來阿八赤

阿剌帖木兒

塔海帖木兒

解誠

也罕的斤

蔡珍

阿塔海

塔出

兀渾察

官常典第五百二十八卷

將帥部名臣列傳八十六

元八

董文炳

按元史本傳文炳字彥明俊之長子也父歿時年始十六率諸幼弟事母李夫人夫人有賢行治家嚴篤於教子文炳師侍其先生警敏善記誦自幼儼如成人歲乙未以父任爲稟城令同列皆父時人輕文炳年少吏亦不之憚文炳明於聽斷以恩濟威未幾同

列東手下之吏抱案求署字不敢仰視里人亦大化服縣貧重以旱蝗而徵斂日暴民不聊生文炳以私穀數千石與縣縣得以寬民前令因軍興之用稱貸於人而貸家取息歲倍縣以民蠶麥償之文炳曰民困矣吾爲令義不忍視也吾當爲代償乃以田廬若干畝計直與貸家復籍縣開田與貧民爲業使耕之於是流離漸還數年間民食以足朝廷初料民令敢隱實者誅籍其家文炳使民聚口而居少爲戶數衆以爲不可文炳曰爲民獲罪吾所甘心民亦有不樂爲者文炳曰後當德我由是賦斂大減民皆富完旁縣民有訟不得直者皆詣文炳求決文炳嘗上謁大府旁縣人聚觀之曰吾亟聞董令董令顧亦人耳何其明若神也時府索無厭文炳抑不予或讒之府府欲中害之文炳曰吾終不能剝民求利也即棄官去世祖在潛藩癸丑秋受命憲宗征南詔文炳率義士四十六騎從行人馬道死殆盡及至吐蕃止兩人能從兩人者挾文炳徒行躑躅道路取死馬肉續食日行不能二三十里然志益厲期必至軍會使者過遇文炳還言其狀時文炳弟文忠先從世祖軍世祖即命文忠解尚廐五馬載糗糧迎文炳既至世祖壯其忠且閱其勞賜資甚厚有任使皆稱旨由是日親貴用事已未秋世祖伐宋至淮西臺山寨命文炳往取之文炳馳至寨下諭以禍福不應文炳脫胄呼曰吾所以不極兵威者欲活汝衆也不速下今屠寨矣守者懼遂降九月師次陽羅堡宋兵築堡於岸陳船江中軍容甚盛文炳請於世祖曰長江天險宋所恃以爲國勢必死守不奪其氣不可臣請嘗之即與敢死

士數十百人當其前率弟文用文忠載糧糧鼓櫓疾趨叫呼畢奮鋒既交文炳應衆趨岸搏之宋師大敗命文用輕舟報捷世祖方駐香爐峰因策馬下山問戰勝狀則扶鞍起立暨鞭仰指曰天也且命他師母解甲明日將圍城既渡江會憲宗崩閏十一月班師庚申世祖即位於上都是爲中統元年命文炳宣慰燕南諸道還奏曰人久弛縱一旦遽束以法不可危疑者尚多宜赦天下與之更始世祖從之反側者遂安二年擢山東東路宣撫使方就道會立侍衛親軍帝曰親軍非文炳難任即遙授侍衛親軍都指揮使佩金虎符三年李璫反濟南璫劇賊善用兵文炳會諸軍圍之璫不得遁久之賊勢日蹙文炳曰窮寇可以計擒乃抵城下呼璫將田都帥者曰反者璫耳餘衆遂亂擒璫以獻璫兵有浙連兩軍二萬餘人勇而善戰主將怒其與賊配諸軍使險殺之文炳當殺二千人言於主將曰彼爲璫所脅耳殺之恐乖天子仁聖之意向天子伐南詔或妄殺人雖大將亦罪之是不宜殺也主將從之然他殺之者已衆皆大悔璫伏誅山東猶未靖乃以文炳爲山東東路經略使率親軍以行出金銀符五十有功者聽與之閏九月文炳至益都留兵於外從數騎衣冠而入居府不設警衛名璫故將吏之庭曰璫狂賊誣誤汝等璫已誅死汝皆爲王民天子至仁聖遣經略使撫汝當相安毋懼經略使得便宜除擬將吏汝等勉取金銀符經略使不敢格上命不予有功者所部大悅山東以安至元二年帝懲李璫之亂欲潛銷方鎮之橫以文炳代

史氏兩萬戶爲鄧州光化行軍萬戶河南等路統軍副使到官造戰艦五百艘習水戰預謀取方略凡阨塞要害皆列柵築堡爲備禦計帝嘗召文炳密謀欲大發河北民丁文炳曰河南密邇宋境人習江淮地利宜使河北耕以供軍河南戰以關地俟宋平則河北長隸兵籍河南削籍爲民如是爲便又將校素無俸給連年用兵至有身爲大校出無馬乘者臣即所部千戶私役兵士四人百戶二人聽其雇役稍食其力帝皆從之始頒將校俸錢以秩爲差七年改山東路統軍副使治沂州沂與宋接壤鎮兵仰內郡餉運有詔和羅本部文炳命收州縣所移文衆諫以違詔文炳曰但止之乃遣使入奏略曰敵人接壤知吾虛實一不可邊民供頓甚勞重苦此役二不可困吾民以懼來者三不可帝大悟罷之九年遷樞密院判官行院事於淮西築正陽兩城兩城夾淮相望以綴襄陽及擣宋腹心十年拜參知政事夏霖雨水漲宋淮西制置使夏貴帥舟師十萬來攻矢石雨下文炳登城禦之一夕貴去復來飛矢貫文炳左臂者三矢文炳拔矢授左右發四十餘矢盡顧左右索矢又十餘發矢不繼力亦困不能張滿遂悶絕殆明日水入外郭文炳麾下卒卻避貴乘之壓軍而陳文炳病創甚子士選請代戰文炳壯而遣之復自起束劍手劍督戰士選以戈擊貴將仆不死獲之以獻貴遂去不敢復來是歲大舉兵伐宋丞相伯顏自襄陽東下與宋人戰陽羅堡文炳以九月發正陽十一年正月會伯顏於安慶安慶守將范文虎以城降文炳請於伯顏曰大軍旣疲於陽羅堡吾兵當前伯顏

許之宋都督賈似道來禦師陳於蕪湖似道棄師走次當塗文炳復言於伯顏曰采石當江之南和州對峙時不取必有後顧遂進攻之降知州事王喜三月有詔以時向暑熱命伯顏軍駐建康文炳軍駐鎮江時揚州眞州堅守不下常州蘇州既降復叛張世傑孫虎臣約眞揚兵誓死戰眞揚兵戰每敗不敢出世傑等陳大艦萬艘旌旗山下江中勁卒居前文炳身犯之載士選別船弟之子士表請從文炳顧曰吾弟僅汝一子脫吾與士選不返士元士秀猶足殺敵吾不忍汝往也士表固請乃許文炳乘輪船建大將旗鼓士選士表船翼之大呼突陳諸將繼進飛矢蔽日戰酣短兵相接宋兵亦殊死戰聲震天地橫屍委仗江水爲之不流自寅至午宋師大敗世傑走文炳追及于夾灘世傑收潰卒復戰又破之遂東走於海文炳船小不可入海夜乃還俘甲士萬餘人悉縱不殺獲戰船七百艘宋力自此遂窮十月諸軍分三道而進文炳居左由江並海趨臨安先是江陰軍會判李世脩欲降不果文炳檄諭之世脩以城來附令權本軍安撫使所過民不知兵凡獲生口悉縱遣之無敢匿者威信前布皆望旗而服張瑄有衆數千負海爲橫文炳命招討使王世強及士選往降之士選單舸至瑄所諭以威德瑄降得海船五百十三年春正月大鹽官鹽官臨安劇縣侯救至招之再返不下將佐請屠之文炳曰縣去臨安不百里聲勢相及臨安約降已有成言吾輕殺一人則害大計况屠一縣耶於是遣人入城諭意縣降遂會伯顏於臨安城北張世傑欲以其主逃之海文炳繞出臨安城南成浙江亭世

傑計不行乃竊宋主弟吉王昀廣王昀南走而宋主昀遂降伯顏命文炳入城罷宋官府散其諸軍封庫藏收禮樂器及諸圖籍文炳取宋主諸璽符上於伯顏伯顏以宋主人觀有詔留事一委文炳禁戢豪猾撫慰士女宋民不知易主時翰林學士李榮奉詔招宋主至臨安文炳謂之曰國可滅史不可沒宋十六主有天下三百餘年其太史所記具在史館宜悉收以備典禮乃得宋史及諸注記五十餘冊歸之國史院宋宗室福王與芮赴京師徧以重寶致諸貴人文炳獨卻不受及官錄與芮家具籍受寶者惟文炳無名伯顏入朝奏曰臣等奉天威平宋宋既已平懷徠安集之功董文炳居多帝曰文炳吾舊臣忠勤朕所素知乃拜資德大夫中書左丞時張世傑奉吉王昀據台州而閩中亦爲宋守勅文炳進兵所過禁士馬無敢履踐田麥曰在倉者吾既食之在野者汝又踐之新邑之民何以續命是以南人感之不忍以兵相向次台州世傑道諸將先俘州民文炳下令曰台人首效順於我我不暇有故世傑據之其民何罪敢有不縱所俘者以軍法論得免者數萬口至溫州溫州未下令曰毋取子女毋掠民有衆曰諸其守將火城中逃文炳亟命滅火追擒其將數其殘民之罪斬以徇逾嶺閩人扶老來迎漳泉建寧邵武諸郡皆送款來附凡得州若干縣若干戶口若干閩人感文炳德最深廟而祀之十四年帝在上都適北邊有警欲親將北伐正月急召文炳四月文炳至自臨安比至帝日問來期及至即召入文炳拜稽首曰今南方已平臣無所效力請事北邊帝曰朕名卿意不在是也豈

子盜兵朕自撫定山以南國之根本也盡以託卿卒有不虞便宜處置以聞中書省樞密院事無大小咨卿而行已勅主者卿其勉之文炳避謝不許因奏曰臣在臨安時阿里伯奉詔檢括宋諸藏貨寶追索沒匿甚細人實苦之宋人未洽吾德違苦之以財恐非安懷之道即詔罷之又曰昔者泉州蒲壽庚以城降

壽庚素主市舶謂宜重其事權使爲我抒海寇誘諸蠻臣服因解所佩金虎符佩壽庚矣惟陛下恕其專擅之罪帝大嘉之更賜金虎符燕勞畢即聽陛辭文炳求見皇太子帝許之復勅太子曰董文炳所任甚重見畢即遣行既見慰諭懇至文炳留士選宿衛即日就道凡在上都三日至大都更日至中書樞密不署中書案平章政事阿合馬恃寵用事生殺任情惟畏文炳奸狀爲之少斂嘗執筆請曰相公官爲左丞當署省案請至再四不肯署皇太子聞之謂宮臣竹忽納曰董文炳深慮非爾曹所知後或私問其故文炳曰主上所付託者在根本之重非文移之細且吾少徇則濟姦不徇則致讒讒行則身危而深失付託本意吾是以預其大政而略其細務也十五年夏文炳有疾奏請解機務詔曰大都暑熾非病者宜卿可來此固當愈文炳至上都奏曰臣病不足領機務西北高寒筋骸舒暢當復自愈請盡力北邊帝曰卿固忠孝是不足行也樞密事重以卿食書樞密院事中書左丞如故文炳辭不許遂拜八月天壽節禮成賜宴帝命坐文炳上坐諭宗室大臣曰董文炳功臣也理當坐是每尚食上食輒輟賜文炳是夜文炳疾復作勅賜御醫日來診視九月十三日疾篤洗沐而

坐召文忠等曰吾以先人死王事恨不爲國死邊今至此命也願董氏世有男能騎馬者勉力報國則吾死瞑目矣言畢就枕卒帝聞悼痛良久命文忠護喪葬稟城令所遇有司以禮弔祭贈金紫光祿大夫平章政事諡忠獻子士元士選

董士元

按元史董文炳傳文炳子士元一名不花字長卿文炳長子也自襁褓喪母祖母李氏愛之謂文炳曰俟兒能言即令讀書數歲從名儒受學及長善騎射憲宗征蜀士元年二十三從叔父文蔚率鄧州一軍西行師次釣魚山宋人堅壁拒守士元請代文蔚攻之以所部銳卒先登力戰良久以它軍不繼而還憲宗壯之賜以金帛中統初文蔚入典禁兵士元以世家子選供奉內班從車駕巡狩北方嘗預武定山之役帝知其忠勤可任以事會文蔚卒無子命士元襲爲千夫長出師南征襄漢分禁兵戍淮上士元在軍中修勅武備號令肅然丞相伯顏克江南宋兵保兩淮未下士元數與戰拔淮安堡以功遷武節將軍從太師博魯歡攻揚州駐師灣頭堡時方大暑博魯歡病還京師以行省阿里代領諸軍揚州守將姜才乘隙來攻阿里素不習兵率輕騎數百出堡士元與別將哈刺禿以百騎從之曰已暮宋兵至者萬餘士元謂左右曰大丈夫報國正在今日勿懼也方整陣欲戰阿里趣令左旋已乃遁去士元與哈刺禿以部兵赴敵死戰鼓譟震地泥淖馬不能馳乃棄馬步戰至四更敵衆始退及旦阿里來視戰地見士元臥泥中身被十七鎗甲裳盡赤肩昇至營而絕年四十二哈刺

禿亦戰死江淮既平伯顏入朝言於帝曰江淮之役所損者二將而已帝問其人以士元與哈刺禿對帝曰不花健捷過人畫戰必能制敵夜戰而死甚可惜也至大元年贈鎮國上將軍食書樞密院事諡節愍後加贈推誠効節功臣資德大夫中書左丞護軍追封趙郡公改諡忠愍

郭昂

按元史本傳昂字彥高彰德林州人習刀槩能挽強稍通經史尤工於詩至元二年上書言事平章廉希憲材之授山東統軍司知事尋改經歷遷襄陽總軍司轉沅州安撫司同知佩金符招降溪洞八十餘柵播州張華聚衆容山昂率兵屠之山猺木貓士獠諸洞盡降十六年以諸洞酋人朝帝賜金綺衣鞍轡進安遠大將軍徇沅州西南界復新化安仁二縣擒劇賊張虎縱之曰汝非吾敵願降即來不然吾復擒汝不難也明日虎降并其衆三千餘人悉使歸民籍軍還衆斂白金以獻一無所受行至江陵衆復從致金而去昂悉上之行省宰臣令藏於庫以示諸將二十六年江西盜起昂討之進逼南安明楊上龍嚴湖綠村石門馬湖赤水黑風峒諸蠻立太平寨而還會大饑以賊酋家資分賑之授萬戶賜金虎符鎮撫州未幾省檄昂赴廣東監造戰船行至廣東界遇賊移檄諭以禍福廣東素服其威信及見其檄即俱降授廣東宣慰使卒年六十一于震杭州路鎮守萬戶惠僉江西廉訪司事諡知寧都州

張萬家奴

按元史本傳張萬家奴父札古帶事睿宗於潛邸從

破金有功賜虎符授河東南北路船橋隨路兵馬都總管萬戶從西征下興元圍嘉定歿於軍萬家奴數從都元帥大答火魯征討有功中統二年從都元帥紐璘入朝授以父官宋兵入成都從行院阿脫擊破之至元四年帥師會立眉簡二州從也速答兒攻瀘州大敗宋軍殺傷過半俘四十餘人以歸七年率諸軍城張廣平與宋人戰斬首三百餘級獲都統一人從攻重慶破朝陽寨圍嘉定柵平康太和懷遠諸寨分兵以守之且日出師水陸接戰功居多而諸將攻瀘州往往失利乃詣闕請自任以攻取之效許之遂率舟師百五十艘自桃竹灘至折魚灘分守江面謹烽火嚴號令約日進攻先據神臂門為梯衝登城殺二百餘人斬關而入遂拔之加昭勇大將軍會圍重慶將其衆斷馬湖江分兵水陸往來為游徼加昭毅大將軍以所部轉餉成都及下流諸屯尋遷招討使與都元帥藥刺海討亦奚不薛蠻平之進副都元帥詔其子孝忠為船橋萬戶以萬家奴將四川湖南兵征哈刺章時雲南恩昌多與羅羅諸蠻叛殺掠使者劫奪人民州郡莫能制遂以其兵討之剿其衆民為之立祠二十年從征緬戰死之雲南王命其子保童將其軍從征入太公城有功襲副都元帥又從征至甘州山丹亦戰死孝忠少從父軍中好攻戰至元十九年從都元帥也速答兒討亦奚不薛蠻遇其衆於會靈關追至沙谿敗之進攻龍家寨阿那關克之遂攻亦奚不薛營大破之又以八百人敗阿末蠻於鹿札河乘勝至打鼓寨連破之諸蠻平以功賜金帛弓矢鞍轡還軍成都二十二年從討烏蒙蠻復擊降

大垣都掌蠻子諸蠻加明威將軍二十七年詔從西征至沙瓜諸州還賜虎符食書四川等處行樞密院事院罷以本軍萬戶鎮成都卒

完顏石柱

按元史本傳石柱祖德住仕金為管軍千戶父拿住歸太祖從征西域河西又從太宗攻下鳳翔同州有功賜號八都兒佩銀符為同州管民達魯花赤改賜金符兼征行千戶總管八都軍惠宗以拿住年老命石柱襲其職已未石柱從世祖征合剌章還都元帥紐璘攻馬湖江石柱奪浮橋與宋兵戰有功賞白金七百五十兩軍龍化縣與宋兵戰大敗之中統二年授征行萬戶佩金符三年從都元帥帖哥攻嘉定有功改賜金虎符至元四年敗宋兵於九頂山生獲四十餘人五年攻瀘州之水寨擊五獲寨渡馬湖江迎擊宋兵敗之從行省也速帶兒攻建都建都降從攻嘉定復瀘州取重慶石柱之功居多十四年遷招勇大將軍十六年授四川東道宣慰使十七年改鎮國上將軍四川西道宣慰使總管隨路八都萬戶二十年拜四川行省參知政事卒弟眞童襲

帖木兒不花

按元史本傳帖木兒不花答里帶人父帖赤歲乙未同都元帥塔海紺下將兵入蜀并將蒙古也可明安和少馬賴及砲手諸軍攻下興元利劍成都諸郡所降宋將小王大尉之衆悉隸麾下中統二年賜虎符授西川便宜都元帥俄進行樞密院率諸軍略定西川未下郡邑至元元年遷益都等路統軍使死軍中帖木兒不花中統初入備宿衛至元七年授虎符

代張馬哥為淄萊水軍萬戶將其衆赴襄陽與宋將范文虎戰於灌子灘手殺四十餘人奪其戰艦追至雲勝洲大敗之行省上其功賜白金五十兩衣一襲鞍轡一副九年授益都新軍萬戶十一年改益都淄萊新軍萬戶從丞相伯顏伐宋敗其大將夏貴於陽羅堡大軍渡江論其功最多賜白金五百兩又從下鄂斬黃江建康常秀蘇杭諸郡累加昭武大將軍從參知政事阿剌罕略定紹興溫台福建諸郡授台州路總管府達魯花赤遷廣東宣慰使十六年加都元帥追宋將張世傑於香山島世傑死降其衆數千人廣東諸郡及海島盡平領諸降臣及將校之有功者入見於大安閣命大府監視其身製銀鼠裘成親賜予之授中書左丞行省江西其餘爵賞有差二十五

年拜四川等處行尚書省平章政事兼總軍務改行中書省平章政事其兄帖木脫幹初以蒙古軍千戶從伐蜀有功行樞密院承制授萬戶并將別列木塔海帖木兒也速帶兒匣刺撒兒四千戶軍從大軍攻重慶重慶降收其衆徇下流諸城雷鎮夔門兼本路安撫司達魯花赤進懷遠大將軍蒙古軍萬戶遷定遠大將軍兼嘉定守鎮萬戶本路總管府達魯花赤尋陞鎮國上將軍諸蠻夷部宣慰使加都元帥亦奚不薛蠻畔與岳刺海會雲南兵討平之改征緬都元帥死於軍子忽都答兒嗣

齊秉節

按元史本傳秉節字子度濱州蒲臺人父珪從嚴實攻歸德廬州有功授無棣縣尹攝征行千戶後兼總管鎮東陽中統三年李璫以益都叛徵諸道兵進討

聚陽精銳盡行僅留羸卒千餘珪時攝萬戶府事與宋襄鄂對壘敵來視虛實珪城守周密以東門外壕狹小可越命浚之爲備宋將聶都統陳總管果率兵萬餘抵城東門以板渡壕廣板不能及珪率衆力戰敵退走城賴以先事開賜金符眞授千戶至元三年告老舉乘節自代乘節魁偉沉毅涉獵書史稍知兵法襲父爵仍鎮襄陽五年從伐宋築新城白河口堡鹿門山略地鄂州大洪山黃仙洞數著戰功七年陞上千戶權萬戶十一年從丞相伯顏至鄂盪舟由陸入江攻武磯堡擒宋將閻都統十二年國兵敗宋賈似道孫虎臣舟師於丁家洲命乘節屯建康與宋將趙淮戰於西離山追至漢陽自辰及午宋軍乃退八月遷武義將軍十二月從定太平安慶諸郡與宋將張咨議戰於崑山殺之十四年授宣武將軍管軍總管時黃州復叛令乘節往討斬余總轄於陣十七年授明威將軍二十三年移鎮饒州安仁劇賊蔡福一叛乘節與有司會兵討之擒福一餘黨悉平二十五年陞廣威將軍襄陽萬戶府副萬戶二十八年卒年六十二子英襲

來阿八赤

按元史本傳阿八赤軍夏人父木速忽里歸太祖選居宿衛繼命掌膳事憲宗即位大舉伐宋攻釣魚山命諸將議進取之計木速忽里言於帝曰川蜀之地三分我有其二所未附者巴江以下數十州而已地制勢弱兵糧皆仰給東南故死守以抗我師蜀地巖險重慶合州又其藩屏皆新築之城依險爲固今頓兵堅城之下未見其利曷若城二城之間選銳卒五

萬命宿將守之與成都舊兵相出入不時擾之以牽制其援師然後我師乘新集之銳用降人爲鄉導水陸東下破忠涪萬夔諸小郡其城得民侯冬水涸瞿唐三峽不日可下出荆楚與鄂州渡江諸軍合勢如此則東南之事一舉可定其上流重慶合州孤危無援不降即走矣諸將曰攻城則功在頃刻反以其言爲迂卒不用於是博選宿衛中材力可任用者以阿八赤奉命往監元帥紐璘軍遏宋人援兵駐重慶下流之銅羅峽夾江據厓爲壘宋都統甘順自夔州泝流西上乘舟來攻阿八赤預積薪於二壘明火鼓譟矢如雨順流而進宋人力戰不能支退保西岸斂兵自固黎明復至阿八赤身率精兵緣厓而下戰艦復進宋人敗走殺傷數千人帝聞而壯之賜銀二錠憲宗時阿八赤從父倍道歸燕世祖即位問以川蜀之事阿八赤歷陳始末謂其父前所言以對世祖撫掌曰當時若從此策東南其足平乎朕在鄂渚日望上流之聲勢耳至元七年南征襄樊發河南北器械糧儲悉聚於淮西之義陽慮宋人剽掠命阿八赤督運二日而畢既還世祖大悅以銀一錠賜之十四年立尚膳院授中順大夫同知尚膳院事十八年佩三珠虎符授通奉大夫益都等路宣慰使都元帥發兵萬人開運河阿八赤往來督視寒暑不輟有兩卒自傷其手以示不可用阿八赤檄樞密并行省奏聞斬之以懲不律運河既開遷膠萊海道漕運使二十一年調同舍宣徽院事遼左不韋復降虎符授征東招討使阿八赤招徠降附期以自新遠近帖然二十二年授征東宣慰使都元帥皇子鎮南王征交趾

王綽

授湖廣等處行中書省右丞召見世祖親解衣衣之并金玉束帶及弓矢甲冑賜馬二十四年改湖廣等處行尚書省右丞詔四省所發士馬俾阿八赤閱視九月領中衛親軍千人朝導皇子至思明州賊阻險拒守於是選精銳與賊戰於女兒關斬敵萬計餘兵棄關走於是大軍深入進至交州陳日烜空其城而遁阿八赤曰賊棄巢穴而匿山海者意待吾之敵而乘之耳將士多北人春夏之交瘴癘作賊弗就擒吾不能持久矣今出兵分定其地招降納附勿縱士卒侵掠急捕日烜此策之善者也時日烜屢遣使約降欲以賂緩我師諸將皆信其說且修城以居而待其至久之軍乏食日烜不降擁衆據竹洞安邦海口阿八赤率兵往攻之屢與賊遇晝夜迎戰賊兵敗遁會將士多疫不能進而諸蠻復叛所得關隘皆失守乃議班師還諸軍步騎命先啓行且戰且行日數十合賊據高險射毒矢將士裹瘡以戰諸軍護皇子出賊境阿八赤中毒矢三首項股皆腫遂卒子寄僧爲水達達屯田總管府達魯花赤乃顏叛戰於高麗雙城調萬安軍達魯花赤平黎蠻有功遷雷州路總管卒

王綽

按元史本傳綽高麗王暉之猶子也美容儀慷慨有志略善騎射讀書通大義以質子入朝歲癸丑高麗權臣高公叛憲宗命耶虎大王東征綽率自爲使講和仍鎮守其地時高麗人戶新附者就命綽總之中統元年授金符總管陞佩虎符兼領軍民三年率兵征濟南李璫至元七年高麗臣林衍叛世祖遣頭聲哥國王討之綽兼領部民一千三百戶與國王同

行是年十一月以疾辭還家居二十年九月卒壽六十一

阿剌帖木兒

按元史王綽傳綽子阿剌帖木兒襲職授虎符總管高麗人戶至元八年將兵討叛賊金通精賊敗走航羅十一年進昭勇大將軍從都元帥忽都征日本國預有戰功十五年加鎮國上將軍安撫使高麗軍民總管尋陞輔國上將軍東征左副都元帥十八年復征日本遇風濤遂沒於軍

兀愛

按元史王綽傳綽子兀愛襲兄阿剌帖木兒職佩金虎符授安遠大將軍安撫使高麗軍民總管東征左副都元帥二十四年乃顏叛力戰屢捷復從月魯兒那演討塔不歹朵歡大王於蒙可山那江統兵五千餘衆與八剌哈赤脫歡相拒絕流戰黑龍江箭中右臂忍傷復戰敵大敗二十五年征哈丹禿魯謀平章闊里帖木兒麾下論功居多冬十二月賊軍古都禿魯干次於幹禿魯塞平章率兀愛討降之明年加授昭武大將軍遼陽等處行中書省事又明年哈丹等入寇高麗國境遣兀愛鎮守仍修城壁嚴卒伍軍威大振賊遂潛遁九月哈丹禿魯干復寇經春兀愛引兵擊却之二十八年入覲世祖於內殿嘉其戰功賜尚方玉帶及銀酒器二十九年改東征左副都元帥府立總管高麗女直漢軍萬戶府乃授兀愛三珠虎符陞鎮國上將軍總管高麗女直漢軍萬戶府兼藩陽安撫使高麗軍民總管

塔海帖木兒

按元史本傳塔海帖木兒蒼苔里帶人其先在太祖時事國王木華黎將左手大萬戶下蒙古軍領太原以西八州破金將王公佐軍斬公佐從攻陝右征河西滅金皆有功賜種田戶二百七十會祖武木勒哥嗣從都元帥塔海帖木兒征蜀死於興元祖扎刺帶嗣扎刺帶卒父拜蒼苔兒尚幼從祖扎里蒼苔木相繼襲其職扎里從都元帥大蒼苔征蜀以所統軍二百人破宋軍於巴州斬首三百級生擒五十餘人蒼苔木以西川行樞密院徵領兵三千人救礪門大敗宋軍斬首三百餘級俘百餘人以歸拜蒼苔兒既長始以父官從行省也速帶兒征建都死軍中塔海帖木兒襲父職初從行院忽敦圖嘉定嘉定降進圖重慶守將張珪出師迎敵塔海帖木兒力戰陷陣功最多十五年又以都魯軍二百人破宋軍於白水江奪戰船一俘其衆十三人陞宣武將軍管軍總管從也速帶兒征亦奚不薛又從征都魯蠻皆以爲前鋒殺獲甚衆九溪蠻散蠻大盤蠻尚木的世用等叛從行省曲立吉思帥師往討皆擒之及殺其酋長頭狗等也速帶兒藥刺罕率兵萬人會雲南兵討烏蒙蠻至開電其酋長阿蒙率五百餘衆奔麻布蠻地塔海帖木兒以四百人追至山箐中大敗之擒阿蒙以歸二十六年又從也速帶兒西征不知所終

鐵哥木

按元史本傳鐵哥木高昌人世居五城後徙京師會祖父達釋有謀略爲國人所信服太祖西征高昌國主懼以錦衣白貂帽召達釋與謀達釋知天命有歸勸其主執費稱臣以安其國由是號爲尚書太祖班

解誠

師諸王言於帝曰達釋之子野里木驍勇善戰所將部落又強大聞其人每思率衆効順而未有機便盍致之乎太祖是其議即詔給驛馬五百迎與俱來既至引見甚器重之丙午太祖西征野里木別從親王按只台與敵戰有功甚見親遇王方以絳蓋障日而坐及聞野里木議事喜見顏色稱善久之既退撤其蓋送之十里遂得兼長四環衛之必關赤壬辰從國兵討金以戰功最多賞賚優渥甲午副忽都虎籍漢戶口籌其賦役分諸功臣以地人服其敏鐵哥木野里木長子也尤沉鷲有才嘗有擁兵叛者鐵哥木率族人與戰於魚兒濛時軍輿簿檄緊急鐵哥木一以其國書識之無遺失者帝甚嘉焉至元中擢爲隸州達魯花赤遷德安府達魯花赤適土人蔡知府者以衆叛鐵哥木率衆先登冒矢石身被數槍猶戰不已遂討平之主將恐將屠其城鐵哥木請曰叛者蔡知府數人而已城中之人何預焉盡誅其黨與而止母令濫及非辜主將嘉其誠懇城遂得全累官至嘉議大夫婺州路達魯花赤所在威著政績大德己亥卒成宗勅其孫海壽載其柩歸葬京師贈榮祿大夫江潮行省平章政事柱國封榮國公諡簡肅子四人

按元史本傳誠易州定興人善水戰從伐宋設方略奪敵船千計以功授金符水軍萬戶兼都水監使焦湖之戰獲戰艦三百艘宋以舟師來援誠據舟厲聲呵之援兵不敢動急移舟抵岸乘勢迫殺之奪其軍餉三百餘斛既又從攻安豐壽復泗亳諸州俱有功又從下雲南大理國以功賜金虎符從攻鄂奪敵艦

千餘艘殺溺敵軍甚衆世祖嘉其功嘗降制獎之至元三十年卒贈推忠宣力功臣龍虎衛上將軍同知樞密院事上護軍追封易國公諡武定子汝楫襲

賈文備

按元史本傳文備字仲武祁州蒲陰人父輔仕金爲祁州刺史武仙僭輔膽略密令所親圖之輔以衆歸太祖詔隸張柔以兵攻蠡州慶都安平束鹿諸縣皆下之柔開帥府於滿城命輔行元帥府事於祁州從定山東還左副元帥柔將兵在外輔常居守累功改行軍千戶賜金符尋領順天河南等路軍民萬戶卒文備襲父千戶職張柔命屯三汊口備宋兵宋以雲梯三十餘架攻文備率兵鏖戰却之憲宗賜弓矢銀盃歲乙卯復令襲父左副元帥職兼領順天路中統三年升開元府路女真水達達等處宣撫使佩金虎符三年遷開元東京懿州等處宣慰使四年改授萬戶領張柔所部軍屯亳州宋兵時鈔掠淮南文備戰却之至元二年加昭勇大將軍具定路總管兼府尹六年調衛輝路總管七年授西蜀成都統軍以疾不赴八年授宿州萬戶尋改河南等路統軍圍襄樊九年移蔡州兼水陸漕運宋兵時掠糧餉文備敗之併奪其船詔罷統軍文備入覲賜弓矢金鞍錦衣白金十一年復授萬戶漢軍都元帥領劉整軍駐亳州宋將夏貴知毫無備盛引兵來襲文備出奇邀擊大破之帝賜金鞍金織文段白金丞相伯顏伐宋文備領左翼諸軍以從抵郢州宋築二城夾江布戰艦數千艘於江中陳兵兩岸軍不得進文備泛舟由淪河徑出大江攻武磯堡乃從阿木先渡江大軍繼之遂取

鄂漢以功賜白金加昭毅大將軍守鄂州十二年從平章政事阿里海牙趣湖南至潭州城下文備昌鋒鎗砲傷右手流矢中左臂攻戰愈急宋臣李芾死之轉運判官鍾瑩英等以城降十三年加昭武大將軍守潭州十四年衡永郴等郡寇發文備悉討平之十五年進鎮國上將軍湖南道宣慰使銜瓊崖等州及廣東瀕海諸城追宋衛王昺十六年召還拜淮東宣慰使加金吾上將軍鎮慶元十八年復授都元帥二十年改江東宣慰使討建寧盜黃華二十二年拜荆湖占城行中書省參知政事二十三年改湖廣行省參知政事二十四年致仕後十七年以疾卒延祐四年贈江西等處行中書省左丞追封武威郡公諡莊武

也罕的斤

按元史本傳也罕的斤匣刺魯人祖匣答兒密立以幹思堅國哈刺魯軍三千來歸於太祖又獻羊牛馬以萬計以千戶從征回國又從睿宗及折別兒論降河西諸城後從攻臨洮死焉父密立火者從太宗滅金又從憲宗攻蜀爲萬戶府達魯花赤沒於軍中統二年也罕的斤爲千戶數有戰功下五花石城白馬等些至元七年宋兵入成都也罕的斤以兵四百人與之相拒四日宋兵退追擊於眉州大破之授蒙古匣刺魯河西漢軍萬戶成眉州從圍嘉定築懷遠砦以守其要害宋兵出戰輒敗十二年入朝賜對衣玉束帶白金百兩加昭勇大將軍上萬戶益兵萬人會圍重慶盡督馬湖江南岸水陸軍馬十四年從圍瀘州攻神臂門先登拔之從行樞密副使卜花攻

重慶屯佛圖關屢戰有功移屯堡子頭宋守將趙安開門降重慶既平復將其衆略地思州得降將百餘人加昭毅大將軍帝以西川新附選能鎮撫之者授嘉定軍民西川諸蠻夷部宣撫司達魯花赤增戶萬餘進奉國上將軍四川宣慰使都元帥十七年征幹端拜雲南行省參知政事二十一年與右丞大卜諸王相吾答兒分道征緬造舟於阿昔阿永兩江得二百艘進攻江頭城拔之獲其銳卒萬人命都元帥來世安守之且圖其地形勢遣使詣闕具陳所以攻守之方先是既破江頭城遣黑的兒楊林等論使降不報而諸叛蠻據建都大城以拒大軍復遣僧論以禍福反爲所害遂督其軍水陸並進擊破之建都金齒等十二城皆降命都元帥合帶萬戶不都蠻等以兵五千戍之二十八年改四川行樞密副使卒子二人火你赤的斤雲南都元帥也連沙襲蒙古軍萬戶

拜延

按元史本傳拜延河西人父火奪都以質子從太祖征河西太祖立質子軍號禿魯花遂以火奪都爲禿魯花軍百戶太宗朝都元帥紐璘承制以爲千戶從征西川忽都叛於臨洮世祖命火奪都等以蒙古漢軍從大軍往討之火奪都卒拜延襲至元九年制授征行千戶佩金符十年宋師侵成都四川僉省嚴忠範遣拜延迎擊大敗之又從行省也速帶兒攻嘉定從行院忽敦取瀘敘攻重慶數有戰功十二年行院承制以爲東西南川蒙古漢軍萬戶總帥汪田哥用兵忠州命拜延將兵二千往涪州策應之宋人伺知

田哥回以舟師順流而下遂於清江拜延引兵馳赴擒其部將李春等十七人取其軍資焚其戰艦十三年瀘州復叛行院遣拜延領兵趨瀘之珍珠堡敗其將王世昌俘掠其民人華畜移兵茂暗溪皆未合州兵來援拜延生擒百餘人戮之遂克瀘州行院副使上花進兵圍重慶遣拜延將兵游擊獲大良平李立所遣謀者四人重慶降制授宣武將軍蒙古漢軍總管十九年從總帥汪田哥入見陞懷遠大將軍管軍萬戶改賜金虎符卒子荅察兒嗣

蔡珍

按元史本傳珍彰德安陽人父典幼隸軍籍從宗王口溫不花出征權管軍百戶典告老以珍代之珍素驍勇歲戊午從憲宗攻宋合州釣魚山中統元年從世祖征阿里不哥三年從征李璫後從鎮襄陽安慶攻五河所至有功南方平遂入備宿衛十四年授忠顯校尉管軍總把尋命權千戶是年冬屬駐黑城珍遣兵士儲芻蕘築土室軍府賴其用道遇凍者必扶入密室溫煦之軍糧必為撙節不使頓絕以致饑困十五年充本衛都鎮撫十七年陞忠武校尉中衛親軍總把俄改屬後衛賜銀符時白海初建行營命珍督役卒事民不知擾雖草木無纖介損帝臨幸問其故近臣以蔡珍號令嚴肅為對帝嘉之賞以鈔若于二十一年改授膠東海道都漕運司丁壯萬戶府都鎮撫二十七年進後衛親軍千戶佩金符元貞元年進階武略俄告老而歸子恕襲

隋世昌

按元史本傳世昌其先登州棲霞人父寶徙居萊陽

金末隸軍伍主帥奇其貌以為管軍謀克俄授懷遠大將軍管軍都總領鎮行村海口太宗下山東寶遂來歸授萊陽令歷萊州節度判官終高密令世昌其第四子也涉獵書史善騎射身長八尺鍛渾鐵為鎗重四十餘斤能左右擊刺歲癸丑選充隊長宋兵來攻海州世昌戰却之壬戌克東海世昌先登陞馬軍隊官已未攻漣水城世昌樹雲梯攀緣而上身被數鎗衆從之遂克其城陞馬軍千戶中統元年宋將夏貴軍淮南新城世昌夜乘艤艘抵城下宋兵出戰斬首數百級刺殺其守將二人未幾漣水復叛歸宋世昌軍於東馬寨城外宋兵來攻世昌擊走之三年改步軍千戶還鎮行村海口至元元年朝議分揀正軍奧魯授萊陽縣諸軍奧魯長官六年伐宋七年以世昌為淄萊萬戶府副都鎮撫守萬山堡建言修一字城以圍襄樊陞管軍千戶九年敗宋兵於鹿門山元帥劉整築新門使世昌總其役樊城出兵來爭且拒且築不終夜而就整授軍二百令世昌立礮簾於樊城欄馬牆外夜大雪城中矢石如雨軍校多死傷達旦而礮簾立宋人列艦江上世昌乘風縱火燒其船百餘樊城出兵應礮欄馬牆下世昌流血滿甲勇氣愈壯而樊城竟破襄陽亦下遷武略將軍引兵由黃宛堡入漢江破沙洋攻新城世昌坎其城而先登中數矢傷臂兜鍪皆裂昏眩墜地少蘇復進遂下新城明日丞相伯顏視所坎城高一丈五尺餘論功為上從諸軍渡江抵南岸宋兵聯舟來拒世昌合舟師率蒙古哈必赤軍步戰斬其將一人宋師潰世昌追之復與戰大敗之十二年從戰於丁家洲以功陞管軍

千戶佩金符十三年圍揚州世昌絕其糧道兼搜湖泊宋兵聞鐵鎗名不敢近揚州平充四城兵馬使從平章阿木入見授宣武將軍管軍總管十四年成揚州擊野人原司空山等七寨皆下之進安撫使佩金虎符鎮澈浦十七年拜定遠大將軍管軍萬戶尋以獲海賊功進階安遠大將軍二十三年改沂鄒上副萬戶世昌前後數百戰體皆金瘡竟以是疾卒年六十一封定海郡侯諡忠勇子國英嗣

阿塔海

按元史本傳阿塔海遼都思人祖塔海拔都兒驍勇善戰嘗從太祖同飲黑河水以功為千戶父上花襲職卒阿塔海魁偉有大度才略過人既襲千戶從大帥兀良合友征雲南身先行陣師還事世祖於潛邸至元九年命馳驛督諸軍攻襄陽襄陽下第功授鎮國上將軍淮西行樞密院副使築正陽東西城五月霖雨宋將夏貴乘淮水溢來爭正陽阿塔海率衆禦之貴走追至安豐城下而還拜中書右丞相行樞密院事渡江與丞相伯顏軍合克池州十二月師次建康宋鎮江攝守石祖忠遣使乞降揚州守將李庭芝聞之遣兵突圍出擊阿塔海率師救之宋兵望風退走時真泰諸城尚為宋守鎮江地扼襟喉城壁不固阿塔海乃立木柵以保障居民又分兵屯瓜洲以絕揚州之援宋將張世傑孫虎臣帥舟師陳於江中焦山下其勢甚張阿塔海與平章阿木登南岸督諸軍大破之宋殿帥張彥與平江都統劉師勇襲呂城遣萬戶懷都擊之斬彥十月併行樞密院於行中書省仍以阿塔海為右丞相常州降平江嘉興十二年正月

會兵臨安宋降以其幼主母后入觀詔復趨瓜洲與阿木議淮南事宜淮南平詳見伯顏阿木傳十四年授榮祿大夫平章政事行中書省事十五年二月召赴闕拜光祿大夫行中書省左丞相移治臨安二十年遷征東行省丞相征日本遇風舟壞喪師十七八二十二年行同知沿江樞密院事二十三年行江西中書省事入朝二十四年扈從征乃顏師還奉朝請居京師二十六年十二月卒年五十六贈推忠翊運宣力功臣開府儀同三司太師上柱國追封順昌郡王諡武敏子阿里麻

沙全

按元史本傳沙全哈刺魯氏父沙的世居沙漠從太祖平金茂河南柳泉家焉全初名杪兒亦甫五歲爲朱軍所擄年十八畱劉整幕下宋人以其父名沙的使以沙爲姓而名曰全全久居宋險固備知之中統二年整以瀘州來歸全與之同行宋軍追之全力戰得脫授管軍百戶至元三年整出兵雲頂山與宋將夏貴兵遇全擊殺甚衆五年命整領都元帥事出師圍襄樊以全爲鎮撫整遣全率軍攻仙人山陳家洞諸寨破之陞千戶賜銀符敗宋將張貴拔樊城與劉整軍會修正陽城引兵渡淮與宋將陳安撫戰敗之十二年從丞相阿木與宋將張世傑孫虎臣大戰於焦山水陸並進宋人不能支盡棄鼓旗走獲其將士三十三人從攻常州克之乘勝下沿海諸城至華亭戒士卒毋殺掠遂傾城出降以功授華亭軍民達魯花赤時民心未定有未附鹽徒衆數萬掠華亭全擊破之籍其名得六千人請於行省遣屯田於淮之

芍陂行省以邑人新附時有叛側委萬戶忽都忽等體察欲屠其城全言鹽亭多非其土人若屠之枉死者衆以死保其不叛遂止賜金符加武略將軍兼領鹽場職如舊尋陞華亭爲府以全爲達魯花赤賜虎符時盜賊譚起其最盛者有衆數千人全悉招來之境內得安改松江萬戶府達魯花赤始專領軍政二十二年召見遷隆興萬戶府達魯花赤得請復舊名曰杪兒亦未幾帝以爲松江瀕海重地復命鎮之賜三珠虎符卒於官

塔出

按元史本傳塔出蒙古札刺兒氏父札刺台歷事太祖憲宗歲甲寅奉旨伐高麗命桑吉忽剌出諸王並聽節制其年破高麗連城畢國遁入海島己未正月高麗計窮遂內附札刺台之功居多塔出以勳臣子至元十七年授昭勇大將軍東京路總管府達魯花赤十八年召見賜鈔六十錠旌其廉勤陞昭毅大將軍開元等路宣慰使改遼東宣慰使二十二年入覲帝慰勞久之且問曰太祖命爾父札刺台聖旨爾能記否塔出應對周旋不踰禮節帝嘉之賜以玉帶弓矢拜龍虎衛上將軍東京等路行中書省右丞復授遼東道宣慰使塔出探知乃顏謀叛遣人馳驛上聞有旨命領軍一萬與皇子愛也亦同力備禦女直水達達官民與乃顏連結塔出遂棄妻子與麾下十二騎直抵建州距咸平千五百里與乃顏黨太撒拔都兒等合戰兩中流矢總知其黨帖哥抄兒赤等欲襲皇子愛也亦以數十人退戰千餘人扈從皇子渡遼水乃顏軍來襲塔出轉關而前射其酋帖古友中其

口鐵出於項墮馬死追兵乃退遂軍懿州州老幼千餘人焚香羅拜道旁泣曰非宣慰公吾屬無遺種矣塔出曰今日之事上賴皇帝洪福下賴將士之力吾何功焉至遼西縣山北小龍泊得叛酋史禿林台盧全等納款書期而不至塔出即遣將討擒之又獲其黨王賽哥復與曲迭兒大王等戰破之將士欲俘掠塔出一切禁止與食院漢爪監司脫脫台追乃顏餘黨北至金山戰捷帝嘉其功召賜黃金珠襖錦衣弓矢鞍勒二十八年賜明珠虎符充蒙古軍萬戶是歲復領軍討哈丹於女直還攻建州逐阿海投江死明年哈丹涉海南襲高麗塔出復進兵討之入朝世祖嘉其功眷遇彌渥復賜珍珠上服拜榮祿大夫遼陽等處行中書省平章政事兼蒙古軍萬戶卒於位子答蘭帖木兒中奉大夫遼陽省參知政事

步魯合答

按元史本傳步魯合答蒙古弘吉剌氏祖按主奴太宗時率蒙古軍千人從諸王察合台征河西至山丹攻下定會陷文諸州以功爲元帥佩金符駐軍漢陽禮店戍守西和階文南界及西蕃邊境換金虎符真除元帥父車里襲職從都元帥紐璘攻成都宋將劉整以重兵守雲頂山車里擊敗之進圍其城整遣裨校出戰敗走追至簡州斬之殺三百餘人遂拔其城攻重慶車里將兵千人爲先鋒渡馬湖江敗宋兵於馬老山俘獲百餘人戊午諸軍還屯灰山宋兵夜來劫營車里擊敗之斬首三百級世祖即位賜金符爲奧魯元帥又改征行元帥至元二年車里以老疾不任事諸王阿只吉命步魯合答代領其軍至元八年

制授管軍千戶佩金符宋將咎萬壽攻成都僉省嚴忠範遣步魯合荅將兵七百人禦之於沙坎流矢中右頰拔矢戰愈力大敗其軍十一年行院汪田哥以兵圍嘉定步魯合荅即率其衆攻九頂山破之嘉定降進攻重慶宋軍突圍出走銅鑼峽行院忽敦遣步魯合荅追之至廣羊垣斬首二百級瀘州叛還軍討之步魯合荅以所部兵攻寶子寨歲餘不下乃造雲梯先登急擊遂破之殺酋殆盡十六年取重慶以功遷武略將軍征行元帥二十一年命統蒙古探馬赤軍千人從征金齒蠻平之都元帥蒙古歹征羅必甸步魯合荅率游兵先行江水暴溢率衆泗水而渡去城三百步而營居七日諸軍會城下乃進攻之步魯合荅先登拔其城遂屠之又從征八百媳婦國至車厘車厘者其酋長所居也諸王闊闊命步魯合荅將游騎三百往招之降不聽進兵攻之都鎮撫侯正死焉步魯合荅毀其北門木遂入其寨其地悉平賜金虎符授懷遠大將軍雲南萬戶府達魯花赤卒子忙古不花襲

兀渾察

按元史拜延八都魯傳拜延八都魯孫兀渾察從行省也速荅兒征諸國有功十六年從大軍征幹端又有功賞銀五十兩二十一年諸王朮伯命兀渾察往乞失哈里之地爲游擊軍時敵軍二千餘兀渾察以勇士五十人與戰擒其將也班胡火者以獻王壯之以其功聞賞銀六百兩鈔四千五百貫授蒙古軍萬戶賜三珠虎符三十年以疾卒次子襲

欽定古今圖書集成明倫彙編官常典

第五百二十九卷目錄

將帥部名臣列傳八十七

元九

忙兀台

汪惟正

恭公直

速哥

怯烈

石高山

關里吉思

李庭

玉昔帖木兒

鄂渙

拔都兒

史格

昔兒吉思

趙貴亨

完者都

乞台

孟德

劉通

昂吉兒

明安

別的因

官常典第五百二十九卷

將帥部名臣列傳八十七

元九

忙兀台

按元史本傳忙兀台蒙古達達兒氏祖塔思火兒赤從太宗定中原有功爲東平路達魯花赤位在嚴實上忙兀台事世祖爲博州路奧魯總管至元七年又爲監戰萬戶佩金虎符八年改鄧州新軍蒙古萬戶治水軍於萬山南岸九月以兵攻樊拔古城繼敗朱

軍於安陽灘轉戰八十里禽其將鄭高十月大軍攻樊分軍爲五道忙兀台當其一率五翼軍以進焚南岸舟堅雲梯於北岸登櫃子城奪西南角入城命部將據倉粟功在諸將右賞金百兩襄陽降同宋安撫呂文煥入覲賜銀五十兩及綢緞甲等物十一年從丞相伯顏平章阿木南征命與萬戶史格率麾下會鹽山嶺遇宋兵忙兀台突陣殺一人諸軍繼進與戰敗之自郢州黃家原盪舟入湖至沙洋堡立砲座十有二豎雲梯先登焚其樓櫓拔羊角垠破沙洋堡擒宋將四人直抵新城慶戰自晨至晡大敗之宋復州守將翟貴以城降將由漢口入江至蔡店聞宋兵屯漢口乃率舟師經關龍口至沙步入江遇宋兵三百餘艘分道來拒進擊走之次武磯堡宋將夏貴堅守不下十月乙卯平章阿木率萬戶晏徹兒史格賈文備同忙兀台四軍雪夜泝流西上黎明至青山磯北岸萬戶史格先渡宋將程鵬飛拒敵格被三創喪卒二百人諸將繼進大戰中流鵬飛被七創敗走舟泊中洲宋兵阻水不得近伯顏復遣萬戶張榮實等率舟來援夏貴率麾下數千將奔大軍乘之大敗走黃州遂拔武磯堡斬守將王達阿木既渡南岸翼日丞相伯顏視師則大江南北皆北軍旗幟宋制置使朱禔孫遁還江陵語在阿木傳已未伯顏次鄂州遣忙兀台諭宋守臣張晏然以城降程鵬飛以本軍降知漢陽軍王儀知德安府來與國繼降乃留軍鎮鄂漢率諸將水陸東下十二年正月忙兀台諭斬黃安慶池州等郡皆下之次丁家洲宋賈似道孫虎臣來拒忙兀台擊之奪虎臣所乘巨舟與宋降將范文虎以

兵五百諭降和州及無爲鎮巢二軍九月攻常州拔其木城宋降將趙潛叛於溧陽伯顏命忙兀台擊之戰於豐登莊斬首五百餘級擒其將三人復招降湖州守將二人十二月行省第其功承制授行兩浙大都督府事十四年改開廣大都督行都元帥府事時宋二王逃遁入海忙兀台奉旨率諸軍與江西右丞塔出會兵收之次漳州諭降宋守將何清十五年師還福州拜參知政事詔與唆都等行省於福鎮撫瀕海八郡十月召赴闕陞左丞十六年七月沙縣盜起詔忙兀台復行省事討平之初忙兀台北還左丞唆都行省福建一日帝命召唆都李庭言若召唆都則行省無人宜令建康阿剌罕往帝曰何必阿剌罕其命忙兀台即往候唆都還則令移潭州可也未幾中書言唆都在福建麾下擾民致南劍等路往往殺長吏叛及忙兀台至招來七十二寨建寧汀稍獲安集若移之他處而唆都復往恐重勞民有旨忙兀台仍鎮閩十八年轉右丞時宣慰使王剛中以土人饒貲頗擅作威福忙兀台慮其有變奏移之他道二十一年拜江淮行省平章政事初宋降將五虎陳義嘗助張弘範擒史天祥助完者都討陳大舉又資阿塔海征日本戰艦三千艘福建省臣言其有反側意請除之帝使忙兀台察之至是忙兀台攜義入朝保其無事且乞寵以官爵丞相伯顏亦以爲言乃授義同知廣東道宣慰司事授明珠虎符其從林雄等十人並上百戶二十二年脫忽思樂實傳旨中書省令悉代江浙省臣中書復奏帝曰朕安得此言傳者妄也如忙兀台之通曉政事亦可代耶俄以言者召起闕

封其家貲遣使按驗無狀未幾拜銀青光祿大夫行省左丞相還鎮江浙時浙西大饑乃弛河泊禁發府庫官貨低其直買粟以賑之浙東盜起獨田租以紓民力二十三年奏以販鬻私鹽者皆海島民今征日本可募爲水工從之賜鈔五千貫役既罷請以戰艦付海漕又言省治在杭州其兩淮江東財賦軍實既南輸至杭復自杭北輸京城往返勞頓不便請移省治於揚州復言淮東近地宜置屯田歲入糧以給軍所餘餉京師帝悉從其言二十五年詔江淮管内並聽忙兀台節制二十六年朝廷以中原民轉徙江南令有司遣還忙兀台言其不可遂止聞越盜起詔與不魯迷失海牙等合兵討之御史大夫玉速帖木兒奏宜選將帝曰忙兀台已往無慮也未幾悉平之屢以病上疏乞骸骨乃召還二十七年以江西平章奧魯赤不稱職特命爲丞相兼樞密院事出鎮江西謹約束勦疆暴尊卑殊服軍民安業威德並著在官四十日卒忙兀台之在江浙專復自用又易置戍兵平章不憐吉台言其變更伯顏阿木成法帝每戒救之既死臺臣劾郎中張斯立罪狀而忙兀台追死劉宣及其屯田無成事始聞於帝云子三人帖木兒不花襲

史格

按元史史天澤傳天澤字格字音明歲壬子憲宗賜天澤以衛城授格節度使憲宗崩格北留諫州五年而歸爲鄧州舊軍萬戶既又代張弘範爲亳州萬戶而以故所將鄧州舊軍授弘範從攻襄陽襄陽下賜白金衣裘弓矢鞍馬衆軍渡江平章阿木將二十三

萬戶居前每五十戶擇一人爲帥統之格居其一格軍先渡爲朱將程鵬飛所却格被三創喪其師二百尋復大戰中流矢鵬飛身亦被七創乃敗走其後樞密院奏格輕進請罪之帝念其功而薄其罪俾從平章阿里海牙攻潭州砲激柵木傷肩矢貫其手裹創先登拔之遂以軍民安撫留戍入覲加定遠大將軍賜以天澤所服玉帶從政靜江衆以轎輦自蔽鑿城格所當砲礮蔽地車不可至乃伺隙率衆攀蟻蝶附而上拔之徇廣西十三州廣東三州皆下靜江受兵之初溪洞諸夷皆降雲南格遣使諭之來者五十州雲南事之聞詔聽格節度陞廣西宣撫使改鎮國上將軍廣南西道宣慰使宋亡陳宜中張世傑挾益王昞廣王昀據福州立益王傳檄嶺海欲復其地詐言夏貴已復瀕江州郡諸戍將以江路既絕不可北歸皆託計事還靜江格曰君等亦爲虛聲所懼邪待貴踰嶺審不可北歸吾與諸君取雲南而歸未爲不可敢輒棄戍哉行省議棄廣東之肇慶德慶封州併兵戍梧州格曰棄地微備示敵以怯不可宜增兵戍之劇賊蘇仲集潰卒據鎮龍山稱王劫掠於外耕植於內至秋舉棧聞大兵至則偽出降官軍畏懼不敢深入橫象寶貴四川皆被其害格築堡於其界守以土兵令官軍火其廬柵民踐其禾稼仲窮蹙遂降益王餘衆破潯州斬李辰李福靜江北抵泉末皆城守羅飛圍未凡七月不下判官潘澤民間道來告急格分兵赴之殄其衆益王死衛王立起廣州避海中崖山遭會淵子據雷州諭之降不聽進兵攻之淵子奔碭洲世傑將兵數萬欲復取雷州戍將劉仲海擊

走之後悉衆來圍城中絕糧士以草爲食格漕欽廉高化諸州糧以給之世傑解圍去詔格成雷州衛王死廣東西悉平張弘範請復將亳州軍乃還格鄧州舊軍拜參知政事行廣南西道宣慰使入覲拜資德大夫湖廣行中書省右丞移江西右丞尋復爲湖廣右丞進平章政事卒年五十八

汪惟正

按元史汪世顯傳世顯子德臣德臣長子惟正字公理幼穎悟藏書二萬卷喜從文士論議古今治亂尤喜談兵時出游獵則勒從騎爲攻守狀父卒於軍皇姪壽王俾權襲父爵守青居山世祖即位遂眞授焉初憲宗遣渾都海以騎兵二萬守六盤又遣乞台不花守青居至是渾都海叛乞台不花發兵爲應惟正即命力士縛乞台不花殺之世祖嘉其功詔東川軍事悉聽處分中統二年入朝賜甲冑寶鞍三年詔還聲昌部長火都叛民大擾惟正謂將吏曰火都今若割大方肆狂蓄苟一戰不利則城邑爲墟當勝以不戰乃發兵踵之賊欲戰不得休則撓之若是者兩月知其糧盡勢蹙曰可矣與戰屢捷火都遣三十人來約降即遣其十人還俾火都自來因潛兵購其後出其不意擒殺之至元七年宋人修合州詔立武勝軍以拒之惟正臨嘉陵江作柵扼其水道夜懸燈柵間編竹爲籠中置火炬順地勢轉走照百步外以防不虞宋人知有備不敢近九年帥兵掠忠治獲令簿各一破寨七擒守將六降戶千六百有奇捕鹵五百會丞相伯顏克襄陽議取宋惟正奏曰蜀未下者數城耳宜併力攻餘杭本根既拔此將焉往願以本兵由

嘉陵下夔峽與伯顏會錢塘帝優詔答曰四川事重合卿誰託異日蜀平功豈伯顏下邪未幾兩川樞密院合兵圍重慶命益兵助之惟正奪其洪崖門獲宋將何統制皇子安西王出鎮秦蜀名惟正還十四年冬皇子北伐而藩王土魯叛於六盤王相府命別速帶領兵進討惟正為副別速帶不習兵師行無紀惟正為正部曲肅行陣嚴斥候凡軍政一倚重焉進次平涼簡置兵銳者八十人與俱至六盤土魯先據西山惟正分安西兵為左右翼疊兵獨居中去土魯一里許皆下馬手弓土魯遣百騎突陣惟正令引滿毋發將及又命曰視必中而發於是矢下如雨突騎中者三之一餘盡馳還土魯軍遂走惟正廳兵逐之三踰山至蕭河擒叛將燕只哥復進兵土魯亦就擒安西王至惟正迎謁王歷稱其功明日大燕賞以金尊杯貂裘王妃賜其母珠絡帽衣且曰吾皇家兒婦也為汝母製衣汝母真福人也詔惟正入朝世祖推玉食食之賜白金五千兩錦衣一襲授金吾衛上將軍開城路宣慰使十七年遷龍虎衛上將軍中書左丞行秦蜀中書省事賜玉帶以省治在長安去蜀遠乃命惟正分省於蜀蜀土薦羅兵革民無完居一聞馬嘶輒奔竄避匿惟正留意撫循人便安之二十年進階資德大夫二十二年改授陝西行中書省左丞入覲上都得腹疾還至華州卒年四十四諡貞肅

昔兒吉思

按元史本傳昔兒吉思幼從太祖征回回河西諸國俱有戰功太宗時從睿宗西征師次京兆府會亦來哈解率諸部兵作亂昔兒吉思挺身斫賊陣下馬搏

戰賊衆莫不拔靡俄失所乘馬步走至睿宗軍中賊退睿宗嘉其勤勞妻以待女唆火台世祖尤愛之軍旅田獵未嘗不在左右初昔兒吉思之妻為皇子乳母於是皇太后待以家人之禮得同飲白馬酒時朝廷舊典白馬酒非宗戚貴胄不得飲也昔兒吉思子塔出為寶兒赤迭只幹耳朵千戶塔出于千家奴撤里蠻千家奴從征乃顏力戰而死帝命籍乃顏人口財物以賜之撤里蠻年十六從世祖討阿里不哥戰於失門禿有功賜號拔都兒賞賚尤厚授光祿少卿仍襲為迭只幹耳朵千戶改同食宜徽院進食院事以管軍千戶從征乃顏有功賞金盞二金五十兩復入為同知宜徽院事成宗時拜宣徽使加大司徒卒于帖木迭兒襲

蔡公直

按元史本傳公直益都樂安人世業農至元五年為益都勸農官九年為沂莒膠密寧海五州都城池所千戶十年賜金符命造征日本戰船於高麗時宋未下世祖知其勇遣使召見俾與平不烈拔都等領兵同行荆南等處招討司事抵峽州青草灘霖雨不進還屯玉泉山率兵三千攻安進下寨破之殺宋軍百餘人獲牛馬七百還至襄陽樞密院命督造戰艦運舟襄陽既下奉旨領鄧州光化唐州漢軍及鄂復熟券軍九千二百人從諸軍南伐二十年冬至隆興宋軍突出城門逆戰公直敗之追抵城下遂踰壕拔木焚其樓櫓斬首萬餘級生擒七百人隆興降由是南安吉贛皆望風款附平堡欄六百餘所公直又令第三子忙古台攻梅關破淮德山寨入廣東至南海皆

下之詔授公直武毅將軍管軍上千戶召入加昭勇大將軍管軍萬戶佩金虎符領侍衛親軍時伯延伯答罕禿忽魯叛於西夏命公直率軍討平之十八年五月陞輔國上將軍都元帥宣慰使鎮別十八里初帝詔以長子泰襲萬戶公直自陳父年老乞以泰為樂安縣尹就養其父制可仍終身勿徙他職至是乃以忙古台襲萬戶佩金虎符從之鎮公直陞辭曰臣父喪五年願葬以行帝許之至家葬事畢遂計樂安稅課及貧民逋負悉以賜金代輸之乃行二十三年諸王海都叛侵別十八里公直從丞相伯顏進戰於洪水山敗之追擊沒遠援兵不至第五子爰力戰而死公直與妻及忙古台俱陷焉二十四年忙古台奔還授定遠大將軍中侍衛親軍副都指揮使改湖州砲手軍匠萬戶討衢州山賊有功加昭勇大將軍泰後終於知軍海州

趙貴亨

按元史趙天錫傳天錫子貴亨字文甫襲行軍千戶己未從國兵渡江攻鄂有功至元五年總管山東諸翼軍征宋攻襄樊貴亨出抄斬黃以五百人拔野人原高山砦修白河新城七年偕元帥劉整朝京師命為征行千戶賜金符及衣帶鞍馬攻樊城冒矢石擁盾先登破之十一年修東西正陽城三月敗夏貴於淮益以濟南汴梁二路新軍十二年正月從攻鎮江與宋將孫虎臣張世傑大戰於焦山殺掠甚衆十三年江南平以功陞宣武將軍十四年授虎符懷遠大將軍處州路總管府達魯花赤未行適盜發潯浦行省檄為招討使率兵平之未幾處州青田縣李文龍

章森殺趙知府以叛貢亨獲其黨始知七縣俱反季文龍自署為兩浙安撫使提處州天慶觀貢亨率眾圍之將騎士三百陳於下河門賊出戰以精騎蹂之遂棄城突圍散走斬首三級貢亨入城乃招散亡立官府章森復合二萬眾來攻陣惡溪南貢亨分兵拒守自將精銳亂流衝擊屬萬戶忽都台以援兵至自已至亥賊方退文龍溺死忽都台以處即亂山為州無城壁可恃且反側欲屠之貢亨曰我受命來監此郡賊固可殺良民何辜不從將士擄掠子女金帛貢亨捕得倡率者杖之仍各求所失還之州民悅服十五年龍泉縣張三八合眾二萬殺慶元縣達魯花赤也速台兒且屠其家貢亨將騎士五百往討與賊將鄭先鋒陳壽山三千餘人戰於浮雲鄉斬首三百餘級三八軍於縣西敗三戰俱敗軍還賊眾水陸俱設伏貢亨擇步卒驍悍者使前賊不敢近既而衢州賊陳千二聚二萬人遂昌葉丙六亦聚三千人助之貢亨前後斬首三千餘級悉平之十七年改處州路管軍萬戶二十二年還寇氏卒年五十七

速哥

按元史本傳速哥蒙古人父忽魯忽兒國王木華黎麾下卒也後更隸塔海帖哥軍以善馳馬有口辯慎重不泄令佩銀符常居軍中奏白機務往返未嘗失期太宗以為才賜名動哥居詔勳哥居奏事朝至朝入奏夕至夕入奏嘗出金盤龍袍及宮女賜之憲宗時以疾卒速哥亦以壯勇居軍中歲甲寅憲宗命從都元帥帖哥火魯赤等入蜀乙卯萬戶劉七哥阿剌魯阿力與宋兵戰巴州失利陷敵中速哥馳入其軍

奪劉七哥等以歸以功賜白金五十兩馬二匹紫羅圈甲一注又從都元帥紐璘敗宋將劉整被雲頂山城紐璘受詔會涪州至馬湖江速哥以革為舟夜渡江至大獲山行在所陳道梗失期帝慰遣之未幾復自涪州入奏事遇宋軍於三曹山速哥眾僅百餘奮兵疾戰敗之奪其器械旗鼓以歸已未宋兵攻涪州浮橋部將火尼赤戰陷速哥破圍出之又以白事諸王穆哥所復敗宋軍於三曹山還至石羊與劉整遇復擊敗之世祖即位賜白金弓刀鞍勒中統二年賜銀符命隸紐璘軍至元二年四川行省遣速哥招收降民得三千餘人三年從行院帖赤戰九頂山四年行省也速帶兒署為本軍總管從征瀘州取瀘州五年立德州以速哥為達魯花赤擢陝西五路四川行省左右司員外郎從也速帶兒入朝賞賚加厚七年從也速帶兒敗宋軍於馬湖江用平章政事賽典赤薦還行尚書省員外郎九年建都蠻叛詔諸王與魯赤及也速帶兒討之速哥將千人為先鋒破黎州水尾岩攻連雲關克之軍至建都戰於東山斬其酋布庫復與元帥八兒禿迎合刺軍於不魯思河所過城邑皆下十年討稠樓諸蠻襲破連環城還敗宋軍於七盤山辟新軍萬戶十一年賜虎符真授管軍萬戶領成都高哇哥等六翼及京兆新軍教習水戰也速帶兒進圖嘉定速哥率舟師會平康城修築懷遠等砦守其要害十二年遣兵敗宋將魯萬壽於麻平既而行樞密副使忽敦等軍至與也速帶兒會於紅崖遣速哥守龍垠城中大震宋將陳都統鮮于團練率舟師遁速哥追擊溺死者不可勝計遂與中使沈蒼

罕徇下流諸城紫雲瀘敘皆降進圍重慶速哥以所部兵鎮白水馬湖江口十三年帝遣脫水教化的持詔諭其守臣使降不聽乃令兵為五道水陸並進攻之眾軍不利唯速哥獲戰艦三百艘俘其眾百三十人涪州守將遣書納降速哥率千人往察其情偽速哥至涪州果降遂入其城重慶守臣張萬率眾來襲速哥一日夜出兵凡與十八戰斬首三百餘級萬敗走未幾萬復以積兵三千人來攻又戰敗之十四年行院辟為鎮守萬戶嘉定總管府達魯花赤時瀘州復叛速哥從大軍討平之重慶受圍久其守將趙安開門出降制置使張珪遣速哥追破之擄百餘人及其舟二十餘艘以功授成都水軍萬戶尋改重慶夔府等路宣撫招討兩司軍民達魯花赤十六年除四川南道宣慰使依前成都水軍萬戶鎮重慶夔施黔忠萬雲涪瀘等州十九年亦奚不薛蠻叛置順元等路軍民宣慰司以速哥為宣慰使經理諸蠻二十四年還河東陝西等路萬戶府達魯花赤播州宣撫賽因不花等赴關請留之降八番金竹百餘等砦得戶三萬四千悉以其地為郡縣置順元路金竹府貴州以統之東連九溪十八峒南至交趾西至雲南咸受節制二十九年入朝加都元帥改河東陝西等處萬戶府達魯花赤三十一年會書四川行樞密院事詔開土番道土番叛以兵圍茂州速哥率師敗之元貞元年行院罷速哥家居數歲卒子壽不赤襲

按元史本傳完者都欽察人父哈剌火者從憲宗征

完者都按元史又有完者都其家世戰功著按都以此傳詳存之

討有功完者都廣額豐領督長過腹爲人驍勇而樂善好施聽讀史書聞忠良則喜遇姦諛則怒咸丙辰以材武從軍已未從攻鄂州先登賞銀五十兩中統三年從諸王合必赤討李璫於濟南凡兩戰皆有功至元年合必赤因樞密臣以其武勇聞帝特賞賜之四年十月從萬戶木花里略地荆南還至襄陽西安陽灘遇宋軍敗之既而從丞相阿朮圍襄樊水陸大戰者四皆有功書梯樊城焚樓櫓勇敢出諸軍右幕府上其功十一年授武略將軍爲彰德南京新軍千戶九月從丞相伯顏南征十一月攻沙洋新城始授金符領丞相帳前合必赤軍十二月統舟師由沙蕪口渡江十二年春與宋將孫虎臣戰於丁家洲大捷進武義將軍攻泰州戰揚子橋戰焦山破常州十三年春入臨安下揚州皆有功江南平入見帝顧謂侍臣曰真壯士也因賜名拔都兒授信武將軍管軍總管高郵軍達魯花赤佩虎符既而軍升爲路遂進懷遠大將軍高郵路總管府達魯花赤十六年授昭勇大將軍遷管軍萬戶漳州陳弔眼聚黨數萬劫掠汀漳諸路七年未平十七年八月樞密副使李羅請命完者都往討從之加鎮國上將軍福建等處征蠻都元帥率兵五千以往賜翎根甲面慰遣之且曰賊苟就擒聽汝施行時黃華聚黨三萬人擾建寧號頭陀軍完者都先引兵鼓行壓其境軍聲大震賊驚懼納款完者都許以爲副元帥凡征蠻之事一以問之且慮其姦詐莫測因大獵以耀武適有一鵬翔空完者都仰射之應弦而落遂大獵所獲山積華大悅服乃聞於朝請與之俱討賊朝廷從之制授華征蠻副

元帥與完者都同署華遂爲前驅至賊所破其五寨十九年三月追陳弔眼至千壁嶺擒之斬首漳州市餘黨悉平軍還至揚州奉旨賞賜有差至高郵病七月入覲帝嘉之賜鈔及銀金綺鞍勒弓矢復授管軍萬戶高郵路總管府達魯花赤有虎爲害完者都挾弓矢出郊射殺之二十二年八月以疾召入朝帝屢遣中使存問仍命良醫視之疾平帝大喜賜醫者鈔萬貫拜完者都驃騎上將軍江浙行省左丞相兼管軍萬戶初浙西私鹽吏莫能禁完者都躬詣松江上海收鹽徒五千隸軍籍九月授中書左丞相行浙西道宣慰使二十五年遷授尚書省左丞相二十六年陞資德大夫江西等處行樞密院副使兼廣東宣慰使疾復作召還成宗即位入見賜玉帶授榮祿大夫江浙行省平章政事大德二年十一月卒年五十九贈効忠宣力定遠功臣開府儀同三司太尉上柱國追封林國公諡武宣子十四人皆仕而帖木禿古思別里怯都尤顯孫二十四人仕者亦多云

怯烈

甲諸王相吾答兒右丞相太卜征緬命怯烈率兵船爲鄉導拔其江頭城振旅而還復從雲南王入緬總兵三千屯鎮驛國設方略招徠其黨由是復業者衆後入覲世祖慰勞之詢以緬國始末擢正議大夫食緬中行中書省事佩金符頗詔於緬宣布威德緬王稽顙稱謝遣世子信合八的人貢還通奉大夫雲南諸路行中書省參知政事進資善大夫雲南諸路行中書省左丞相大德四年以疾卒

乞台

按元史本傳乞台察台氏至元二十四年爲欽察衛百戶從土土哈征叛王失烈吉及乃顏有功賜金符陞千戶從征忽剌出戰於阿里台之地元貞二年以疾卒

石高山

按元史本傳石高山德興府人父忽魯虎以侍衛軍從太祖定中原太宗賜以東昌廣平四十餘戶遂徙居廣平之洛水中統三年高山因平章塔察兒入見世祖因奏曰在昔太祖皇帝所集按察兒李羅蕭里台李羅海拔都闊闊不花五部探馬赤軍金亡之後散居牧地多有人民籍者國家土宇未一宜加招集以備驅策帝大悅曰聞卿此言猶寐而覺即命與諸路同招集之既籍其數仍命高山佩銀符領之四年授管軍總管鎮息州軍令嚴肅寇不敢窺居四年邊境晏然賜金符以獎之至元八年從取光州克襄陽進攻襄樊皆有功十年從阿朮略地淮上十一年從下江南以功陞顯武將軍十二年冬丞相伯顏命以所部兵取軍國下令無撓掠既至城下諭以禍福軍國